

Գրախոսություն

Կրթահամալիրի Քոլեջի «Գրադարանային գործ» մասնագիտության շրջանավարտ **Մարգարիտ Մինասյանի** դիպլոմային աշխատանքի թեման է՝ «Դպրոցական գրադարանը համայնքին ծառայող ռեսուրս-կենտրոն»: Դիպլոմային աշխատանքը բաղկացած է ներածությունից, երկու գլուխներից՝ իրենց ենթագլուխներով, և եզրակացությունից: Հեղինակը համառոտ ներկայացնում է Դալարի միջնակարգ դպրոցի հիմնադրման պատմությունը, ապա սահուն անցում անում դպրոցի գրադարանին, ներկայացնում գրադարանի ֆունկցիաները, պահպանվող գրականության քանակը, պատմում այն համագործակցության մասին, որ կա, գոյություն ունի մի կողմից՝ դպրոցի գրադարանավարի և ուսուցիչների միջև, մյուս կողմից՝ գրադարանավարի և դպրոցի աշակերտության միջև:

Մարգարիտ Մինասյանի դիպլոմային աշխատանքը վկայում է, որ որպես ապագա գրադարանավար՝ նա բավականին տեղեկացված և հմուտ է իր գործում, գրադարանավարի իր աշխատանքները կազմակերպելու պրակտիկ փորձ ունի: Իր աշխատանքում հեղինակն անդրադառնում է նաև Դալարի համայնքային գրադարանին և ներկայացնում այն համագործակցության մասին, որ կա դպրոցի և համայնքի գրադարանների միջև: Եզրակացության մեջ հեղինակը կարևորում է այն փաստը, որ համայնքների գրադարաններն այսօր պետական հոգածության, նոր ու ժամանակակից գրականությամբ համալրվելու, երիտասարդների մշտական այցելության կարիք ունեն:

Դիպլոմային աշխատանքը, իր ամբողջականությամբ հանդերձ, գերծ չէ թերություններից: Օգտագործված գրականության ցանկում չկան օտրալեզու աղբյուրներ: Աշխատանքում առկա են վրիպումներ, որոնք, սակայն, չեն աղավաղում դիպլոմային աշխատանքի ընդհանուր պատկերը:

Գրախոս՝ Թամար Ղահրամանյան